

佛說除一切疾病 陀羅尼經

唐三藏沙門大廣智不空奉 詔譯



南無本師釋迦牟尼佛

說明

本繁體校正版《佛說除一切疾病陀羅尼經》電子書，根據《乾隆大藏經》宋元入藏諸大小乘經，第 0978 部，唐三藏沙門大廣智不空奉詔譯《佛說除一切疾病陀羅尼經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年二月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誡誡曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說除一切疾病陀羅尼經¹

唐三藏沙門大廣智不空奉 詔譯²

如是我聞：

一時，薄伽梵住室羅筏³城。逝多林。給孤長者園，與大苾芻衆千二百五十人俱，及衆大多⁴菩薩摩訶薩。

爾時，世尊告阿難陀言：「阿難陀，有陀羅尼能除世間一切疾病，汝當受持，讀誦通利，如理作意。」

即說密言曰：

「怛你也_{二合}佉_一尾摩黎尾摩黎_二嚩曩俱枳黎_三室唎_{二合}末底_{丁以切四}軍拏黎_五嫩奴鼻_六印捺囉_{二合}儼顛_{二合七}母隸娑嚩_{二合引}訶_{引八}」

佛告阿難陀：「此陀羅尼，若誦持者宿食不消、霍⁵亂、風黃痰癘，患痔瘻淋瀝⁶、上氣嗽瘧、寒熱、頭痛、背⁷痛、著鬼魅者，悉得除差。我

¹ 大正藏：除一切疾病陀羅尼經

² 大正藏：開府儀同三司特進試鴻臚卿肅國公食邑三千戶賜紫贈司空諡大鑑正號大廣智大興善寺三藏沙門不空奉 詔譯

³ 大正藏：伐；永樂北藏及龍藏：筏

⁴ 大正藏：眾多諸大；永樂北藏及龍藏：及衆大多

⁵ 大正藏：瘧；永樂北藏及龍藏：霍

⁶ 大正藏：痔瘻淋；永樂北藏及龍藏：痔瘻淋瀝

⁷ 大正藏：背；永樂北藏及龍藏：背

以佛眼觀見彼人，諸天、魔、梵、沙門、婆羅門能作障難，除非決定業報盡者，餘無能違越作其障難。如來、應供、正徧知說：『一切有情中如來爲尊勝，一切法中離欲法尊，一切衆中僧伽爲尊。』以此誠實言，願我及一切有情，食飲喫啖，入腹消化，得正安樂，娑嚩^{二合}訶。」

爾時，世尊說是經已，諸苾芻僧并諸菩薩摩訶薩、一切大衆、天龍八部，受持佛語，歡喜奉行。

佛說除一切疾病陀羅尼經⁸

⁸ 大正藏：除一切疾病陀羅尼經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無護法諸天菩薩 (合掌三稱)

禮佛發願文

(一編)

歸命十方調御師 演揚清淨微妙法
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

